

Aldaia askatuta ere, alde bateko eta besteko mobilizazioek jarraituko dute

Atzo, astelehenero bezala, bi kontzentrazio egin ziren Artzain Onaren aurrean

Jose Maria Aldaia aske dagoen arren era bateko eta besteko mobilizazioek jarraitu egingo dutela iragarri dute. Bake taldeek eutsi egingo diete euren bilkurei Jose Antonio Ortega-ren askatasuna eskatzeko. Bestalde, Euskal Herriaren askatasunaren aldeko kontzentrazioak ere aurrera jarraituko dute.

Erredakzioa / Donostia

ALDAIAREN bahiketaren ostean sortutako kontzentrazioen dinamika ez da amaitu Gipuzkoako enpresariaren askatzearekin. Alditransen langileak kontzentrazioak bertan behera utzi dituzte, baina lazo urdina Ortega askatu arte enpresako paretean jarrita egongo dela azaldu dute.

Talde bakezaleek astelehenero Euskal Herriko hainbat herritan Aldaiaren, eta azken boladan baita Ortega-ren askatasuna ere eskatzeko egiten zituzten bilkurek aurrera jarraituko dutela iragarri zuten, Jose Antonio Ortega espetxe funtzionarioa aske geratu arte. Era berean, Amnistia-ren Aldeko Batzordeek eta HBk ere *Euskal Herria Askatu* mobilizazio dinamika eusteko asmoa agertu dute nahiz eta HBk oraindik ez duen erabaki kontzentrazioekin aurrera jarraituko duen ala ez.

AABek atzo kaleratutako oharrean presoak izan zituzten go-goan, eta zera adierazi zuten: «ETak pertsona bat du bahituta, baina Espainiako Gobernuak 136 ditu». Kontzentrazioetan inoiz baino indar gehiagoz parte hartzeko deia egin zuten, horre-



Atzo Artzain Onen eginiko kontzentrazioen ezaugarriak nabarmenena, Aldaiaren askatasuna eskatzen zuen pankartaren hutsunea izan zen.

EDURNE KOCH

tarako 560 (presoei erreferentzia eginez) arrazoi badirela esanez. LAB sindikatuak ere, Artzain Onen presoak Euskal Herriratzeko gose grebak jarraitzen duen bitartean, asteartero 12.30etan katedralaren aurrean biltzen jarraituko duela esan zuen atzo.

Bakearen Aldeko Koordinakundeak Aldaiaren askatasunagatik poza agertu ostean, Ortega-ren bahiketarako irauten duen bitartean astelehenetako kontzentrazioei eusteko asmoa agertu zuen. Carlos Iturgaiz EAEko PPko idazkari nagusiak, Ortega askatu arte lazo urdina erabiltzen jarraitzeko eta mobilizazioak egiteko eskatu zuen atzo. «Aldaiaren askatasuna oso lasaigarria izan da, baina ezin dugu

ahaztu beste pertsona bat bahituta dagoela».

Errioxako Unibertsitateak Aldaiaren askatzearen berri izatean adierazi zuen kontzentrazioak egiten jarraituko duela, «ez bakarrik bahiketarako amaitu arte, terrorismoa amaitu arte baizik».

Atzo kontzentrazioak Artzain Onen

Kontzentrazioek jarraitzen dutenaren lehen adierazpenak atzo izan ziren. Atzo iluntzean, astelehenero bezala bi kontzentrazio egin ziren Donostiako Artzain Onaren atarian. Bata Jose Antonio Ortega-ren askatasuna eskatzeko eta bestea Euskal Herriaren askatasuna aldarrikatzeko, tartean ohikoa den bezala Ertzaintza zegoela. Orte-

gak bihar beteko ditu hiru hila-bete bahituta. Jende kopuru aldetik diferentzia nabarmenik ez eta atzoko ezaugarri nagusia Aldaiaren askatasuna eskatzen zuen pankartaren hutsunea izan zen. Bilbon ere deialdi bati zein besteari jarraitu ziotenak bildu ziren iluntzean.

Goizean ere izan zen kontzentrazioak. Jaurlaritzako goi kargu eta funtzionarioek atzo eguerdian egin zuten bilkura Jaurlaritzaren atarian. Lehendakartzan ez zuten kontzentrazioak egin atzo, beraiek adierazi zuten. Aldaia askatu artean bilkurak egiteko konpromisua hartu baitzuten soilik. Arabako Foru Aldundian ere, egin zuten kontzentrazioa atzo eguerdian. X

Normaltasuna itzuli da Alditrans enpresara

Aldaiaren seme-alabak bertan izan ziren

Efe / Oiartzun

HAMAIIKA hilabetez astelehenero kontzentrazioak egiten aritu ostean, lehenengo aldiz, astelehen normala izan zen atzokoa Alditransen. Ez zuten bost minutuko geldialdiarik egin, eta bertan ziren kazetariek baino ez zuten enpresaren normaltasuna eraldatzen. Langileek egin zuten adierazpen bakarra, «dena normala da» esateko izan zen.

Ugaldetxo poligonoraino hurbildu ziren goizean Idoia eta Oscar Aldaia. Biak langileekin izan ziren enpresa barruan ordu eta erdiz, eta bertatik aterakoan ez zieten kazetariak inolako adierazpenik egin nahi izan.

Beste bisitarik ere izan zuten

langileek. Inaxio Altuna Aldaia familiaren bozeramailea bertara hurbildu zen, eta Aldaiak gaua ongi igaro duela adierazi zuen, baina ez zuten zehaztu enpresaria noiz hasiko den lanean. Bestetik, Donostiako Herrera auzoko Aldaiaren lagunak ere joan ziren bertara langileak agurtzera, izan ere, astero joan ohi ziren kontzentrazioara, eta kontzentrazio gehiago izango ez denez, langileak agurtu zituzten.

Bestetik, herenegun langileek «Guztiok gara Jose Mari» zioen pankarta eta honek bahituta zeramatzan egunak gogoratzen zituen egutegia kendu zuten. Aldiz, lazo urdina bertan uztea erabaki zuten, Ortega Lara askatzen duten arte. X



Oscar eta Idoia Aldaia bisitan joan ziren atzo goizean Alditransera.

EDURNE KOCH

Enpresariak ETaren gutunak jaso dituztela berretsi dute

Kezkatuta daude bahiketaren amaitu den moduagatik

Erredakzioa / Bilbo

NAFARROA eta EAEko enpresariak elkarrekin berretsi dituzte arabera, azken asteetan ETaren izenean irailtza zerga eskatzen duten gutunak heldu zaizkie enpresariak. Jose Manuel Ayesa Nafarroako enpresariaren lehendakariak azaldu zuen enpresariak 5 eta 10 milioi pezeta (200.000 eta 400.000 liberal bitarteko eskariak egin dituzte) kiela erakunde armatuak. Ayesak txantajearen amore ematea aholkatu zuen.

Nafarroan jasotako idazkari bat datoz denboran. Gipuzkoako zenbait enpresariak jaso dituztenekin. Gipuzkoako enpresariaren lehendakaria den Jose Maria Kortak azaldu zuen kasu bi hauetan data, diru kopuru eta jaso dituzten enpresariaren arteko antzekotasuna dagoela.

Vasco Press agentziaren arabera, enpresariak faktore beldurgarritzat hartu dute Aldaiaren bahiketaren iraupena. Iturriaren arabera, garrantzitsua da gipuzkoarra bahituta izan den bitartean enpresariak bertan jaso dituzte gutunak.

CEN zein Confesbask pozik agertu ziren Jose Maria Aldaia aske dagoelako, nahiz eta kasu bietan kezka agertu enpresari gipuzkoarren askatasuna ETaren erabakiaz izan delako nahiago zuten indar polizialen eskuhartzerik gabe. Ayesak Ortega-ren askatasuna eta hau azken bahiketaren izateko eskatu zuen.

Confesbask ere pozik agertu zen Aldaiaren askatasunagatik, nahiz eta kezkatuta agertu amaitzeko moduagatik eta gutunekin estortutako terroristak diraelako. X